



## Reci: 'nema istinskog boga mimo Allaha', riječi sa kojima ću se zauzimati za tebe na Sudnjem danu

Prenosi Ebu Hurejre, radijallahu anhu, da je Allahov Poslanik, sallallahu 'alejhi ve sellem, kazao svom amidži: "Reci: 'nema istinskog boga mimo Allaha', riječi sa kojima ću se zauzimati za tebe na Sudnjem danu." Amidža mu reče: "Da mi neće pleme Kurejš prigovarati govoreći: 'Na to ga je samo žalost navela', obradovao bih te sa njima." Uzvišeni je povodom toga objavio: "Ti, doista, ne možeš dati Uputu kome bi ti volio, jer Allah upućuje koga On hoće, i On najbolje zna one koji će Uputu slijediti." (El-Kasas, 56).

[Vjerodostojan] [Hadis bilježi imam Muslim]

Allahov Poslanik, sallallahu 'alejhi ve sellem, je zamolio svoga amidžu Ebu Taliba u smrtnim mukama da izgovori: "Nema istinskog boga mimo Allaha", kako bi se sa tim zauzeo za njega na Sudnjem danu. Međutim, on to nije prihvatio bojeći se da ga Kurejš neće grditi govoreći: "On je primio islam samo zbog straha od smrti i slabosti!" Osim toga, kazao je Poslaniku, sallallahu 'alejhi ve sellem: "Da nije toga, unio bih ti radost u srce sa tim svjedočenjem i ispunio bih ti želju." Uzvišeni Gospodar je tada objavio ajet u kojem naznačava da Poslanik, sallallahu 'alejhi ve sellem, ne može nikome da podari uputu. To samo Allah može i niko drugi, a Poslanik može samo da ljudima pojašnjava i da ih podučava istini.

<https://sunnah.global/hadeeth/bs/show/65069>

